



卧牛集初編

三四

和16  
936  
2







卧牛山人集初編卷之三

明治  
月  
年  
日  
刊

飛驒 赤田元義伯宜 著

男 光暢永和輯校

五言律

擬平城諸賢秋日宴左僕射長屋王宅餞新羅客之作

文雅王家宴，清秋客滿堂。當歌調鳳曲，對月引鸞觴。  
餞送情偏切，梯航路更長。西歸思此會，海外望扶桑。

田清二子過訪錦山樓 探韻得仁字

雨後登樓好，清風動四隣。停車迎長者，勸酒避賢人。



夜色當城暗，秋光倚檻新。閑居還作賦，未必讓安仁。

銅雀妓 擬作

一旦君王逝，事如漳水流。園陵寧可望，歌舞却成愁。  
泣下銅臺夜，恩餘玉座秋。即無遺令在，爭使妾身留。

集山子健宅

名賢能，字子健，号蘭洲，故金森，疾近臣，後為醫。

踪跡開丹井，十年酒肆傍。腰間橫一劍，肘後掛竒方。  
惟恨相知晚，同憐意氣長。結交騷社友，彩筆照詞場。

蘭洲席上賦示龍上人

城頭風雪霽，乘興此登樓。良夜歡何極，清談情轉幽。  
開簾纖月近，揮翰彩雲流。高會容支遁，謝家事勝遊。

夏日懷山中隱者

炎蒸應不到，泉石白雲邊。雨霽孤亭晚，松涼三伏天。  
竒峯當戶外，瀑水澗階前。正想中林士，新題定幾篇。

小園即事

城陰收返照，肱卧睡初醒。竹暗蔣卿逕，人稀楊子亭。  
閑情窺宿鳥，久坐見飛螢。最愛雲生處，終南近戶庭。

擬長安逢故人

客舍十餘春，長安少所親。黃金囊裏盡，白髮鏡中新。  
連夜生鄉夢，一朝逢故人。歡然談舊地，市酒未辭貧。

和君美春日即事之作



花發春風暮庭幽過雨痕夕陽城外樹芳草水邊村  
移屐聽黃鳥臨軒傾綠樽生來憐野興堪避世塵喧

小集

花滿春城夕黃鸝喚友鳴同人時命駕舊社此尋盟  
月照青樽色風通綠綺聲偶逢炊黍熟共許范張情

伯瑜來訪

分韻第十一真

一世舊雷陳相看情自親開樽聊對月把袂好憐春  
柳葉含風嫩梨花經雨新四隣歌吹滿不似草堂貧

袞袞山

山有宿儺祠又有古鐘故大和守三木直賴所命鑄也故五六句及之

路出千峯上攀緣問化城香烟迴檻起翠靄繞階生

石塑山神像鐘銘太守名登臨探勝處絕頂倚崢嶸

和子敬夏日遊八幡長久寺之作

竒峯高萬仞磴道倚崢嶸香界風偏冷祠壇松自清  
移牀涼雨至觸崖夏雲生為過僧房話深看濟勝情

擬送某校書從軍

新辭天祿閣萬里遠從征胡塞烽烟暗邊城刀斗聲  
橫行投筆去意氣據鞍生預喜胡塵滅檄書任爾成

子敬邀飲松氏錦川草堂

草堂風雨秋携友此來過列嶂繞前楹流川響中座  
青樽酒不空白雪歌相和欣適共忘懷陶然貪醉卧



暮春同子敬伯瑜子錫登卧牛山訪五雲壇到  
般若臺下作探得長字

雨歇林壑美，壺酒此相將。散髮深松下，班荆野寺傍。  
雲知仙路近，萼認給園香。春暮一乘霽，更催風咏長。  
行踰蕪城嶺

峻阪懸秋日，蕪城途自開。行踏藤蘿際，時聞猿鳥哀。  
陰洞含雲合，寒泉觸石迴。從來耽勝槩，登眺意悠哉。

題輞川圖

生涯詩與畫，晚隱輞川莊。野老來爭席，山僧對在牀。  
齋中無所有，闕下久相忘。看此幽深境，陰陰夏木長。

冬至同諸子集伯瑜

琴樽迎至日，共集錦江陰。杯裏微陽動，橋邊寒景深。  
冰霜天地色，翰墨古今心。吾輩能乘興，翩然雪夜吟。

九日寄原明府

時行部在越前

弦歌何處在白嶽，海雲邊行縣。清秋日登高，佳節天  
詩章裁錦繡，風化遍山川。縱少東籬色，依然陶令賢。

暮秋遊山寺

匡廬人迹絕，蕭寺倚空林。溪暗寒泉瀉，山寒落木深。  
荒臺明夕霽，古殿闕秋陰。香界長岑寂，惟聞仙梵音。

山家



白雲望無極，谷口見茅茨。野竹含烟處，澗花燃雨時。  
蓬蒿一以臥，歲月幾回移。春草前山夕，徜徉縱所之。

中秋前一夕雨災後有感

城居今幾在，災後各分離。處處蟲聲切，家家燈影悲。  
灰塵將雨浥，雲物逐風移。明夜天如霽，中秋可賦詩。

北岡郊行

秋天雨初霽，曠野夕陽移。川漲雲苔水，林深富士祠。  
田家能釀秫，僧屋靜圍棋。此地多幽事，徘徊步履遲。

雲苔水、富士祠、皆在北岡村。

秋日寄西郊瑛尊者二首

結社知何處，西郊正寂寥。苔川秋雁隔，庾嶺暮雲遙。  
白藕花空老，碧梧葉半飄。何人明月夜，笑過虎溪橋。  
高卧卧牛陰，幽棲苔水潄。林中開士坐，月下故人心。  
衰髮驚秋早，孤燈對夜深。禪餘儻乘興，時寄碧雲吟。

秋日雜詩二首

一瓢環堵室，陋巷稱閑居。菽水生涯足，烟霞人事疎。  
近軒移野竹，過雨摘園蔬。旦夕唯蕭寂，課兒常讀書。  
老去關何事，徜徉愛地幽。繙書明月夕，高枕白雲秋。  
尚友傾千古，閑身寄一邱。從來樗散士，卒歲自優游。

春夜聞雁



萬里揚雙翼，聯翩定幾行。春辭南國去，影入朔雲長。  
沙際啣蘆下，柳邊啼月翔。應驚蓬底夢，半夜度瀟湘。  
席上送別司馬子紀

高城今夜酒惜別，故人心歸路關山遠。秋天霜露深，  
馬蹄臨絕澗。猿嘯落空林，欲賦銷魂色。一堂悲不禁。

雨中春暮同士錫賦 探韻得親字

空齋風雨裏，把酒對殘春。深竹低三徑，落花滿四隣。  
世情違我懶，交態復誰親。請看閑門下，一無車馬塵。

客中秋雨

烟雨蕭條甚，羈心苦滯淫。芰荷江上老，蟋蟀草間吟。

人覺衣裳薄，秋看霜露深。他鄉寧忍聽，處處起清砧。

夏日同田子道巖士邦及清伯瑜水世甫避暑

久昌禪院 分韻第十一真

一逕招提境，登臨俯水濱。地幽多綠樹，市遠絕紅塵。  
偶訪逃禪客，好為避暑人。况逢雷雨過，涼氣滿山新。

秋江夜泊二首

孤舟依岸宿，明月大江秋。波動魚龍窟，風淒蘆荻洲。  
鄉園半夜夢，水國多時憂。未拂塵紛去，推心愧白鷗。  
繫纜宿蒹葭，秋天夜色遐。孤雲生遠嶼，寒雁下平沙。  
月落篷窓暗，風來漁火斜。舟中人不寐，久客盡思家。



過士蒸柳原別莊

亭子清江口，到來趣不窮。雲移牛嶺外，雨暗柳原中。  
把酒臨流水，披襟逐晚風。回頭城市路，唯有一橋通。

今日菴席上作

相逢城市裏，偃蹇似林邱。石上看雲處，樽前投轄留。  
風霜催短景，草樹送殘秋。今日晷還盡，願言秉燭遊。

夜集邊士蒸

分韻第八庚

天開霜月皎，小閣任君迎。世似墻東避，談同江左清。  
結交無俗態，縱飲有狂名。郢調吾曹事，深憐白雪情。

春雨登樓

獨坐高樓外，春天暮雨低。青山臨曠野，白水滿長堤。  
雲裏千家暗，簾前萬象迷。蒼茫烟景遠，花鬱郡城西。

文畏宅賦盆梅

雙梅盆裏樹，花發兩三枝。紅著西施頰，白含姑射姿。  
飛香薰綺席，交影照金卮。培養凌寒苦，春光先自知。

過友人莊二首

知君棲隱志，別業鎖松筠。乘晚遊城外，尋家到水濱。  
澗花如待客，林鳥自呼人。共酌香醪美，轉憐野興真。  
處處春芳歇，綠陰苔逕昏。老蕉垂鳳尾，叢竹長龍孫。  
愛此山林境，曾無車馬喧。相看幽意足，不必叙寒溫。



飲馬長城窟

天兵三十萬昨夜下榆關不用屯青海已聞收黑山  
射鵬風雪裏逐虜朔雲間飲馬長城窟月中戰罷還  
和子道留別之作因為別

朝出高城郭名山行入眸烟雲隨馬首霜露滿貂裘

峻阪千尋嶺長橋兩岸秋別離纔數日為客奈羈愁

廢寺

給園人去盡誰復布黃金碑字莓苔滅爐烟歲月沈  
荒臺看卧鹿廢院有棲禽行到空潭曲猶涵松影深  
送洞水禪師北還

出山還渡海錫影逐雲輕霜後重巖曉溪間流水聲  
來遊懸度國去化闍婆城為有機緣熟人天仰果成

飛驒有懸度者二焉實天下之絕險也越之海上  
屈樓時見佛典所謂乾闍婆城是也故五六  
及句言

觀獵

草枯風自疾野色望蕭蕭閃日旌旗動凌雲意氣驕  
千人驅萬兔一箭貫雙鵬獵罷東城暮鳴弦上渭橋  
擬冬送人遊邊

聞說交河北天寒風似刃三邊衝雨雪萬里擁旌旄  
未見胡塵滅但知漢使勞艱難堪墮指驅馬向臨洮



次韻明府三首

鐘鼓新年曙，城頭淑景懸。  
鷺聲當酒轉，梅蕊映筵鮮。  
坐動青雲色，春歌白雪篇。  
高才仍綠髮，雄志在騰騫。

右新歲

守歲蓬蒿宅，寒燈一夜中。  
臘殘千斛酒，春動五更風。  
衰髮看垂白，新梅暗吐紅。  
明時長鼓腹，共仰德聲通。

右除夕

退朝人吏散，郡閣坐偏深。  
牛嶺橫春靄，稻祠生暮陰。  
彩雲迎灑翰，白雪入彈琴。  
爲政乘餘暇，新詩花下吟。

右春興

遙咏龜石爲勢州澤邊氏

事詳于其記

何歲西溟石，拾來得白龜。  
珍藏欺玉質，潤骨發冰肌。  
豈畏泉陽厄，應輕靈壁竒。  
千秋長曳尾，不負漆園期。

長嘯亭集

秉燭華亭宴，同人此盍簪。  
圖書千古意，金石百年心。  
酒酌忘憂美，棋從坐隱深。  
洋洋流水調，絃裏對知音。

九月朔日陪郡丞登胄城山頂同諸子賦

落日秋光好，厨傳此遠移。  
人吟飛鳥外，城古暮雲陲。  
掃石題詩處，看松對酒時。  
登高佳興動，不必菊花期。

田家雜興

探韻得霧字



犬吠識人來，蕭條秋日暮。家封數頃田，窓暗千章樹。  
 流水遠通渠，折楊半樊圃。陰晴明日期，每占前山霧。  
 華嚴師過訪，話舊臨別托。書寄君美，情見乎辭。  
 方外交無恙，論心及舊遊。關河隨錫影，消息問刀頭。  
 殘月山林夜，涼風海驛秋。時添非土淚，應上仲宣樓。  
 送鳥巢上人還常陽

鹿嶋平連水，鳥巢迥入雲。匣藏龍劍氣，墳古石經文。  
 指日鄉山遠，彌天驛路分。菩提成果地，萬里海東濱。  
鹿嶋郡名亦神祠所在鳥巢村名村有無量壽寺  
 寺藏一劍昔年海龍之所御獻云又有石經塔  
 菩提樹等之  
 勝故言及之

咏篠魚

飛驒山谷間有篠葉密疊為魚狀者頭尾茸  
 鱗宛然魚也俗稱曰篠魚蓋以其狀肖命之  
 者也或云廣東修曳尾者近之余賦一律以  
 記其異也

苞翠本龍孫，幽崖此托根。上竿尖尾起，著節茸鱗繁。  
 雨濕長生色，風來忽自翻。何當乘物化，一躍泝溪源。  
 見阿巖懷君美

安穩南州客，他時思不禁。關河書自隔，霜露髮全侵。  
 海上三年別，天涯一片心。今朝看阿女，悲喜倍沾襟。



晚春閑適

春盡閑園裏，樹梢新綠生。  
青山三逕入，白水一渠清。  
過雨莓苔滑，尋芳蛺蝶輕。  
風光看換轉，停杖聽殘鶯。

螢

雨後明霄燭，照來池上秋。  
身因腐草化，光借大陽流。  
飲露斜過井，隨風亂入樓。  
欲將輕扇撲，試步玉階頭。

江上晚歸

罷釣秋風暮，江村路自斜。  
寒波涵夕景，殘柳宿歸鴉。  
十里蘆花岸，孤燈漁父家。  
漸知初月出，人影落晴沙。

冬夜子美子瑜見訪

探韻得賦字

豈意衡門暮，披蓬此相遇。  
共誇玩世心，工作凌雲賦。  
明月照琴樽，清風搖竹樹。  
城頭多異星，為有賢人聚。

詠霧

濛濛晨且暗，山海杳無邊。  
羅縠疑遮日，輕塵似蔽天。  
文迎玄豹養，氣接紫霄連。  
五里張公術，人間誰復傳。

三日郊行

春服相携去，郊行對夕暉。  
鳥鳴花自落，雨過麥初肥。  
是處班荆酌，幾人脩禊歸。  
流觴川上咏，真似浴于沂。

關山月

明府席上題

一片長空月，關山幾處明。  
清光臨漢塞，秋色滿邊城。



露結金戈冷，風翻鐵馬鳴。何人將玉笛，吹作斷腸聲。  
擬送人使河源

漢臣新奉使，胡塞幾經秋。地接崑崙遠，河通大夏流。  
蘇卿長仗節，博望欲封侯。絕域功成後，還家已白頭。  
春日過東村邊氏田家三首

緩步晴川上，過橋一逕分。主人門自異，遲日客成群。  
隴麥經春雨，林花駐午雲。田家機事少，不比市塵紛。  
雨後春光靜，柴門流水前。郊桃紅映日，野竹綠浮烟。  
愛此田園住，寧無沮溺賢。市朝如隔世，晝午足酣眠。  
風花看欲暮，籬外轉黃鸝。坐食村醪熟，不知林日移。

尋山行曳杖，掃石自題詩。晚待隣僧至，幽懷兩不疑。  
送人遊東奧

扶桑行欲盡，萬里一辭鄉。肅慎從王化，蝦夷接鬼方。  
問風窺日出，涉遠覺天長。聖代今無畏，舟車達四疆。

雨後早秋

人間仍溽暑，仰見火星流。四野涼風散，千林宿雨收。  
鬢同潘子感，賦自楚臣愁。此夕梧桐樹，先驚一葉秋。  
奉呈箕山先生

聞道箕山隱，風流不可攀。一瓢仍白髮，千竹掩玄關。



洗耳江湖大繙書，日月閑，天涯思載酒，何歲問奇還。

十日菊 探韻得英字

殘花芳未盡，蕭瑟帶秋晴，色映金杯亂，香當玉檻清。  
風露今朝恨，琴樽昨日情，猶向東籬下，慙慙摘落英。

東臯先生挽歌 十首節三

大國文星落，江湖弔客哀，四方懷景仰，一代恨梁摧。  
詞賦凌雲妙，儒林命世才，風流難再見，追悔最悠哉。  
諸彥中原會，一時誰擅場，文章推宿老，侯國待賢良。  
銳意希韓柳，修辭合李王，遺編千歲外，日月可爭光。  
已矣斯人逝，吾徒誰適從，千秋存大業，一代稱文宗。

自絕麟經筆，空餘馬鬣封，遙天思掛劍，萬里阻雲峯。

登松倉大悲閣

西山獅子窟，半嶺倚青松，途曲烟嵐合，山深紫翠重。  
清泉醒客夢，絕壁問仙蹤，香閣攀登日，欄前俯數峯。

送僧諦善還鄉

故國知何處，蒼茫江海間，木杯凌浪度，鐵錫踏雲還。  
秋老多胡浦，月高雙上山，身隨鷗鷺伴，踪跡任心閑。

籠渡

在飛驒州北界中山村  
神通川水次別曰谷

貫籠緣一索，俯仰意如何，絕岸橫蒼靄，奔川躍白波。  
道同飛鳥去，人在半空過，山國通商利，來輸魚與鮓。



藤橋在同州高原縣舟津町村

鳥藤千萬縷，橋架綠波中。映水龍蛇見，曝風經緯工。豈勞驅石力，已有濟川功。疑是通津處，行人直蹈虹。

早春登萃頂山擬作

咫尺雲霄外，山門駐彩霞。金蓮大師坐，香閣法王家。樹密多啼鳥，春寒未著花。上方微白際，鯨吼動京華。

春日閑興七首節二

寂寂花時雨，終朝晴復陰。松間停宿露，竹外響幽禽。懶惰三春態，沈淪一代心。杜扉人事絕，未是著書深。遲日迷人地，門前山更深。烟霞長在眼，花鳥一關心。

不近青雲色，還憐綠綺音。幽懷如此足，可以寫塵襟。

題蘇子遊赤壁圖

破曹千載後，誰此擅風流。割據三分地，江山七月秋。世猶傳兩賦，人自想扁舟。借問周郎策，何如蘇子遊。

賡伯圭韻

春草池塘夕，幾人與夢通。烟深三逕雨，花動一簾風。詩句推神助，文章藉化工。君看千古事，苦思坐何窮。

細江懷古

管禽今不見，滿野盡田疇。御構名空古，細江水自流。追懷三百載，芳譽幾千秋。歌咏終無朽，納言舊此遊。



山居九首

似是西山隱，年年此採薇。雲生花逕履，松古石門扉。  
相識皆黃髮，遺榮自白衣。久無塵世夢，物外獨忘機。  
獨來聊玩世，事與市朝疎。絕澗千尋底，懸巖百丈餘。  
烟霞生僻地，木石是隣居。晚奉神農道，新編種樹書。  
春到烟霞好，山中別有天。芝迎安漢老，桃似避秦年。  
鶴迹松間遠，虹橋雲際懸。行逢赤松子，輕舉學神仙。  
偶然來相宅，三畝此誅茅。豈與人間事，猶締物外交。  
山中僧是主，松際鶴成巢。雨歇窺鶯語，晴光上樹梢。  
夙懷高尚志，聊此避塵囂。道帙無時廢，素琴閑自操。

推窓看岳雪，隱几即林臯。晚就花間卧，清天明月高。  
猿鶴真吾友，千山一草亭。乾坤容偃蹇，日月養精靈。  
芳樹當窓靜，春雲映戶停。洞然齊物我，蝴蝶夢初醒。  
尋春何處好，曳杖是烏藤。偶伴茅山客，或邀廬岳僧。  
幽花多隱澗，古木鬱成陵。老後惟疲倦，山居日曲肱。  
舉家長避跡，愛此白雲深。入洞養雞犬，鋤園混瓦金。  
峰逢丈人石，庭有大夫林。今日鳴琴操，聊爲招隱吟。  
邱壑真吾分，無人問米鹽。松風通破屋，山雪透疎簾。  
濁酒情初暢，新詩興正添。炊烟春晝靜，細細繞茅檐。

本府屬長田近某，以吏事有才幹，閣老賞



賜金若干府君行之嗣子同日有入直之

命賦此併賀

當年山郡吏考績似君稀特賜從黃閣寵榮勝錦衣  
箕裘長不改襲蔭自相依共羨青雲色翩翩任鳥飛

白牡丹

綽約雖無語霜姿似有神竒葩工獻笑妖艷自驚人  
裊露天香動凝脂國色新名園黃紫外月冷玉盤春

追輓安江松翁

翁原平安人上田氏出為飛州  
官府屬吏安江氏嗣明和中徙

為攝州西宮屬吏寬政中免  
歸隱飛州高山以有故田廬

移家常奉佛近寺日參禪翁嘗接東嶺隱山  
等諸老禪頗參禪織成於

陵

翁恒織草屨自謂供天職  
其事頗與於陵仲子相類賦歸平子田翁免官  
歸也以

高山有  
田產

首邱歸永夜曳尾竟天年黃石韜鈴術翁精  
兵法

受業者凡  
數十許人君已誰復傳

秋日靜修館集示諸子

教校

明時化宜供暇日遊金蘭新命駕詩酒此相

求流水琴中趣菊花瓶裏秋藝林千古業努力漱芳

猷

恭聞綾小路公世子拜任左近衛少將賦以

奉賀

官成優寵遇親衛羽林軍柳色東風動櫻花左陣分



雲霄賢路達聲譽

聖朝聞郎將由來貴天垂列宿文

題陶淵明圖

五柳先生宅門深楚水濱  
田園長有趣詩酒自無塵  
終日撫琴處重陽把菊人  
陶然千載下獨屬葛天民

五言排律七首

壽草廬先生六十

大藩開壽域嘉會卜初年  
嶽建霞標出湖浮琶象懸  
紅花翻絳帳翠柳媚青氈  
邑里神州外城樓彥嶺前

趨庭皆問禮載酒幾侍筵  
耳順將希聖齒尊詎事仙  
龍門高一世蘭室化群賢  
頻授梁園簡還歌郢國篇  
箕裘儒業舊遐邇風聲傳  
綏履酬佳節應知天保全

初夏遊逍遙園

分韻第八庚

名園多勝事朱夏兩新晴  
牛嶺烟霞近稻祠草樹平  
玉壺迎客到金谷待詩成  
宿露松間墜夕陽池底明  
苔侵康樂屐水濯楚臣纓  
岸淺儵魚躍林幽衆鳥鳴  
不愁紅藥盡還愛綠陰清  
何必尋邱壑逍遙獨放情  
春日同諸子陪洞水禪師遊子敬宅

高堂陪笑興一似虎溪遊  
門外迎金錫市中開玉樓



花扶瓊席媚雲繞畫梁浮塵尾玄風動蘆簾白日幽  
庭霑新雨後山近古城頭香飯參禪味清談接道流  
寧違蓮社約何負竹林儔此會塵埃表明朝不易求

秋日良駒至喜賦

簾前山不遠積翠映庭筠雨散涼先到月來秋更新  
平生多伏枕佳夕偶留賓只泛杯中物慙無席上珍  
神交須簡禮俊句欲驚人醉後披襟處清風厲四隣

壇浦懷古

玉駕西巡地蒙塵途已窮水犀軍忽散厓上敗相同  
天步滄溟濶帝畿紫塞通冕旒朝巨浪旆旌夕狂風

瘴與陣雲黑潮含戰血紅宗臣元失策烈將竟無戎  
粉黛蜃樓際衣冠貝闕中他生悲螃蟹異代泣羆熊  
楚澤膠誰問延津劍幾空君王何處在縹緲水晶宮

早春呈佛山大禪師

去歲轉住于  
賀州寶圓寺

大藩懷渴仰應化本無塵屢入朱門裏還同蓬戶春  
寶幢隨日轉法鼓鳴雷辰衣鉢津梁遠廟祧蘋藻新  
氣連滄海濶境與白山隣知有天龍護拈花是勝因

壽竹母翁

翁喜滑稽交友最廣今春吾鄉父老  
年至七十者凡五人皆余之所辱識

也翁夫妻偕  
老最可稱焉

杖國身仍健斑衣奏舞辰濃霞蒸酒暖啼鳥和絃新



桃實迎王母，星光引老人。天明江水曙，花祭郡城春。  
鍾秀青松古，雙飛白鶴親。襄陽何足道，耆舊自成隣。

門人 楚口玄珪士錫 訂

卧牛山人集初編卷之三

卧牛山人集初編卷之四

飛驒 赤田元義伯宜 著

男 光暢永和輯校

七言律上

送楚滄洲翁遊崎陽

孤帆遠掛夕陽頭，何處波間問九州。潮汐長通玄菟塞，  
風雲欲盡青蜓洲。衝星劍向天涯動，貫月槎應海上遊。  
臨別躊躇留不駐，送君西望奈離愁。

比叡山

神州良嶽鬱葱哉，勢壓江湖秀色開。桓帝草創鎮



邦城梵王宮觀挺天台，山懸佛日驅妖魅，寺護皇  
圖讓亂災，擲地金聲將更試，赤城霞起正堪裁。

### 黃檗山

黃檗叢林菟水東，山開萬福古禪宮，扁聯灑墨龍蛇  
走，樓閣流丹雲霧通，一乘傳心證真契，千秋諭法是  
圓融，請看佛祖西來地，結構長光異域風。

### 恭謁北野菅公廟

城北祠壇紙水邊，千松一夜翠參天，瑞雲晴繞都門  
外，佳氣春通帝闕前，德際昌延流四海，祀同嶽瀆到  
千年，巍然遺廟今如在，長鎮皇基日月懸。

### 同塾翁及諸子遊宮村山中

棧畔悲風夕日沈，松杉一徑有猿吟，宮村雨過叢祠  
暗，位嶺雲封斷碣深，夜宿僧房丹洞口，朝探石耳溪名  
綠溪陰，遊蹤處處名山遍，且逐漁樵擬向禽。

### 送伯瑜自張赴京便道過彥嶺謁東臯先生

千里辭家向帝關，馬蹄明日彩雲間，飛驛川合蒼流  
迥，養老峯高紫翠斑，東海風烟通上國，西征驛路轉  
中山，行經湖水停橈處，一扣龍門御李還。

### 春夜子敬子贊士良伯健景逸至

詞客尋盟此盍簪，一樽花月郡城陰，卧牛山近衡茅



在嘉樹園荒轍迹深，偃蹇論交湖海侶。縱橫展帙古今心，由來彥會難常遇。絃裏還聞大國音。

三日枕流閣集分得東字

層樓春滿古城東，下見桃花流水通。芳草岸邊含細雨，啼鶯林外送微風。興來分坐催觴咏，醉後過橋伴冠童。也識山陰修禊趣，賞心知與右軍同。

寄寒巖道人

自注曰：道人客歲秋月辭我東遊江戶，故有此寄。

別來無恙老頭陀，萍迹東西日月多。浮海木杯無處著，逐雲金錫幾時過。確關一路吾孺國，墨水千年都鳥歌。弔古春風饒感興，滿囊詩草近如何。

擬唐人主家應制之作

明府席上分題

主第高樓插碧霄，宸遊香駕繞山腰。巖桃映日開紅萼，堤柳含烟裊翠條。遠水春平烏鵲渚，行雲晚駐鳳凰簫。侍臣陪宴神仙宅，肯道銀河路更遙。九重路轉翠華斜，宸眷春深帝女家。玉管和鳴雙鳳曲，金扉相映六龍車。巖邊長濺天河水，林下曾移上苑花。今日陪遊歡莫極，承恩既醉酌流霞。

早春明府席上賜宴得花字

佳宴高齋賞歲華，陪遊多少醉流霞。寒輕彭澤門前柳，春早河陽縣裏花。闔國雲山封百里，滿城風雪散



千家弦歌無恙談經日歸路從容月照衙

擬老杜秋興

搖落楓林暮景幽，千家砧杵滿城秋。  
江湖濶處風濤壯，關塞頻年烽火愁。  
海內亂離成老病，天涯歲月滯孤舟。  
誰知直北仍戎馬，故國音書不可求。

先人忌日諸君至

第一街頭賣酒家，青山繞徑白雲斜。  
敝廬猶見先人宅，窮巷新留長者車。  
下榻清風時滿坐，焚香落日此煎茶。  
依然招隱齋中趣，八月秋寒叢桂花。

子敬宅集分題須磨懷古

新營行在海雲隈，玉駕當年此地迴。  
沙岸風飄瑤笛冷，樓船戰罷錦帆開。  
君王巡狩蒙塵急，宮女追隨掩淚哀。  
侍宴管絃宵未半，源家兵馬下山來。

水世甫至分韻

翦燭西窓慰轉蓬，爲思留滯寄關東。  
江山歸到秋雲外，杯酒相看夜雨中。  
論世潛夫書未就，倦遊司馬賦偏工。  
歡然說舊孤亭上，何處天風送斷鴻。

仲篤亡後夏日同山月師及諸子過伯瑜宅慨

然感懷

宿雨沈沈草滿庭，窓前竹似去年青。  
牀琴人沒終難



理隣笛風飄不可聽回首河山空自邈論心杯酒暫  
相停蕭然今夜高陽里把手何圖少一星

早春過良駒宅

滿地東風寒盡辰高齋開宴好留賓妙齡揮筆推才  
子知友成行多丈人梅柳月來窓有影琴樽燭出坐  
無塵共耽翰墨良宵會期爾尋盟此永春

經美人舊宅

滿目淒然吊翠娥名姬舊宅晚相過庭荒到處迷苔  
蘚牀古無人辨綺羅玉佩銀簪秋草沒啼鴉殘柳夕  
陽多傷心偏恨東流水其奈香魂不返何

咏蘭

芳草新從幽谷移摘來今日復遺誰國香曾認燕娘  
夢秀色全傳漢帝辭宅裏叢生同瑞菊階前栽植並  
靈芝應知竒品供騷客長憶秋風楚水涯

賦山寺讀書

西來秋滿白雲岑古寺風光夕日沈林下人稀堆落  
葉窓前雨歇響幽禽禪棲寄迹囂塵斷石室探書歲  
月深一榻山中惟寂寞杳然巖壑有誰尋

上巳前日集老子信宅

時席上  
講史記

雨晴城上彩霞新滿目風花照暮春清明已看佳節



近琴樽不厭賞遊頻應同把臂過林下何必流觴集  
水濱此會相逢論史漢超然共是晉時人

同賦吉野懷古

春老山中芳樹林南朝陳迹此相尋鸞輿出狩攀邱  
壑寶鼎遷移感古今五世宸居巖穴遠六軍戰血陣  
雲深回看惟有殘僧在指點空傷客子心

中秋前一夕

牛山影落大江頭烟水蒼茫入檻愁萬里長風飄永  
夜千家明月近中秋金波委地清輝冷銀漢橫天白  
露流賞會何唯三五夕預開杯酒倚南樓

雨

上天雲合泰山阿滿壤偏看膏潤多南畝農人朝戴  
笠西江漁客晚披蓑春風幾處催花去夜色千門叩  
竹過坐訝空濛烟霧裏荆臺有夢接神娥

送人歸山

巖扉樵徑綠蘿間君去風光不可攀謝病朝來辭北  
闕採薇秋色老西山前林猿鶴馴人下舊壑烟雲盡  
日閑高枕應無牽綽苦岡頭千仞振衣還

和答子敬

蕭颯悲風動暮林驚人秋色坐來深浮生空負滄洲



紵流水長懸綠綺音一雨蓬門無轍迹片雲牛岳落  
城陰只今同調知誰在郢國難和白雪吟

賀相常師新住古川本光寺

西來紫氣度三關卓錫新臨古水間似是摩騰開白  
馬更知支遁買青山天花臺上秋風遍仙梵林中曉  
雨閑聞道匡廬能待客幾時陪笑虎溪還

伯瑜卧病齋中有作因和

一邱知屬養痾人秋色應栽蘿薜新伏枕清風吹竹  
屋登樓明月近江濱詩成山水多幽趣地僻門庭少  
俗塵可是百年長玩世好攜琴史此終身

奉寄常山先生

才華當世一儒宗景仰同時未易從縱許蒼蠅能附  
驥無由尺鯉更登龍常山真氣浮天遠大國祥雲接  
海重獨向西方懷彼美不禁臨水采芙蓉

寄熊子彦

熊子彦奧人也余嘗讀西遊紀行已知奧中  
有斯人也今茲庚子季春鄉人滄洲致示白  
雲館九日集詩余三復益知子彦之雄峙乎  
奧中也私竊壯而慕之賦寄一律按劍之叱  
其謂之何



俊句驚人弄彩毫，開筵一日氣何豪。仙臺玉樹雲霄遠，碣石金風鴻鴈勞。肯道魯連能蹈海，虛思桓景更登高。飄然寄興東籬色，萬里春光照濁醪。

聞君美登日光山賦贈

鬢髮山高有闕宮

上台陵寢彩雲中，若非壯麗臨天下。安見威靈鎮海東，松柏路依盤石固。經營功訝鬼神工，應觀百世明宗祀。恩澤于今治化隆。

秋晚送子敬之賀州

霜露蕭蕭匹馬征，朔方秋色曉寒生。栗柯雲合千重

嶺，金澤鴻迷萬雉城。觀海今年酬壯志，題詩隨處動才名。遙憐此去逢佳節，知爾登高故國情。

和答西門田生早春見寄

仙郎詩興入芳辰，柏酒朝回命酌頻。自負連城明月好，誰知四壁草堂貧。鴻聲人日花鄉村名暮，柳色春風宮水濱。白雪由來無和客，郢中一曲爲誰新。

立春諸子至

紛紛轍迹滿柴荆，此日高城春色生。橘里人烟含淑氣，牛山臘雪帶新晴。一時絃誦傾鄒魯，十歲交遊稱弟兄。更喜韶光巖穴遍，喬林黃鳥自嚶嚶。



秋宵寓直 擬作

秋宵候曉直承明紫禁嚴局一肅清月照南宮催玉漏雲連北闕擢金莖千門晴動星辰色五夜遙聞銀鑰聲近侍由來霑聖澤端居不寐到鷄鳴

次韻和荅彥藩相宗子安見寄

教育曾傳孔氏門從游才子四科存知音相許洋峨美禦侮應加泰斗尊湖上秋雲來斷鴈天涯夜月照孤樽周旋何日中原地千古風流可共論

春日同諸子遊雲龍洞水禪師房禪師有詩賦

此和呈

高城春滿水雲隈梵刹崢嶸山色開風送曇花翻丈室天飛法雨濺香臺清談原識縉流秀妙偈堪傳白雪木誰道吾徒無勝具上方昏黑謁師回

和西郊師春日山居之作

僧院春深花木清端居好此了浮生棲林幽鳥留人語出岫閑雲拖雨行仙梵寥寥金界靜香烟細細玉毫平從來謝世巖阿客題偈長傳物外情

秋日作八首

蜀棧秦丁四境通當年開鑿協神功郡城門對中橋出侯國墟依孤嶂雄十里烟雲含暮景千家砧杵響



秋風最知巖險稱天府大嶽聳空環郭東

萬樹鴉啼靜竈烟城中鱗次屋三千人饒舊戶生新  
戶水合宮川吞錦川置酒誰家開畫閣悲秋獨自感  
流年徘徊遙望東山寺風送鐘聲響暮天

卧牛山上舊城基極目蕭條獨自悲縱有金湯千仞  
固那虞社稷一朝移棲林麋鹿時趨殿泛水萍蓬日  
滿池弔古憑高何限感秋深霜露轉淒其

鐵冶街西鐵冶橋杖藜閑步咏涼霄岸邊楊柳家相  
並水面鳧鷗晚更飄垂釣客隨秋渚下采菱歌入暮  
雲遙忽疑人弄明珠去驚見中流月色搖

月滿高城永夜看天低北斗已欄干芙蓉露滴秋雲  
暝蟋蟀聲悲霄漢寒獨對青山頻伏枕祗期綠水老  
投竿百年棲息當安分遮莫人生行路難

郭外田平野水流醫王山畔稻粱秋林昏鳥雀啾啾  
過雨散郊村曲曲幽越海魚鹽隨轉易江都租稅事  
誅求幸逢今日無荒飢長嘯應同漆室憂

矯首乾坤感慨餘牛山遺逸意何如失封猶紀平泉  
族有寺空存淡海墟昔日專城勞戰伐明時環堵  
說詩書淒風蕭颯雙蓬鬢寂寞秋江一老樵

西風蕭瑟鴈飛過岸葦江楓錦水波調馬場荒種菘



菜卧牛山古有松蘿誰埋紫氣衝星劍獨唱滄浪鼓  
柀歌早晚欲裁初服色秋來薜荔遍巖阿

春夜雨田中氏席上送于松二生經東海赴南

留客華亭酒不空

高城今夜雨濛濛醉攀楊柳離人  
淚行繞山川別路風東海春雲千里外南都芳甸五  
畿中明朝並馬知何處憶我天涯有斷鴻

中秋五雲壇賞月

桂花香動古壇前月出千峯夜色連星斗更闌松影  
冷階庭秋靜水聲懸妙高鐘磬鄰幽寺守屋烟霞隔

小川人訝廣寒宮裏坐銀河低在玉欄邊妙高山名守屋祠名

春日漫興

春來兩雪掩柴關擁褐酣眠晝自閑欹枕頻窺黃鳥  
語開窓時見白雲還百年心事江湖外一世狂名酒  
肆間潦倒何妨吾獨醉生涯莫逆是青山

早春奉和明府

茂宰鳴琴弱冠年高齋無事眺春天城廻殘雪舍晴  
濕谷暖新鸞囀日遷草樹應承韶景遍江山長帶瑞  
雲懸由來製錦文明化更見揮毫五色鮮

齋前松移栽



蟠屈孤松三徑傍，移根今日倚茅堂。繁條掩地清陰合，偃蓋停雲翠色蒼。培養偏宜淹歲月，鬱葱何必避風霜。爲期仙鶴來巢處，節目千秋起棟梁。

寄谷翔之

烏巷烟霞春色晴，五雲相映彩毫明。詞章應賦西京壯，劍氣長依北斗平。幾向天涯勞夢寐，曾從江上識才名。漢廷今日推經術，已見垂帷有董生。

春雨中青山樓分韻

空濛雨色暮天開，載酒登樓野水隈。已買青山供卜築，更聽黃鳥且啣杯。杉祠烟樹當窓出，花里春雲染

翰來，退食從容投轄處，能令吾輩醉遲回。

過士錫宅次韻主人

衡門春雨長烟蘿，好候新晴並駕過。杯酌流霞添藥味，詩裁白雪入絃歌。花邊求友鶯聲囀，窓外窺人月色多。踪跡他年稱杏隱，論心何必問嵒阿。

送世甫遊學張州

遊子淒淒宦學年，辭親長傍海雲邊。江分馬脊鄉關外，山擢金華驛路前。爲憶斷機心未老，何須羹膾興相牽。此行偏識蓬萊近，採藥應逢異域船。

送田東壁之京



辭親朝發白雲隈，路歷中山行色開。  
棧道天陰梅雨暗，鄉關月落杜鵑哀。  
桑弧今見四方志，驥足曾推千里才。  
宦學當年猶未晚，期君上國問風回。

北海先生遊郡上，寄書來云經中山峽來過我。  
既以途艱事迫不果，賦以奉寄。

紫氣蒼茫望不開，中山一路碧崔嵬。  
已從九折回車去，誰傍千崖叱馭來。  
郡上風烟秋水遠，峽間雲樹曉猿哀。  
關河咫尺仙舟興，愧乏龍門御李才。

次韻明府席上見示

秋色蕭條滿郡城，碧天露下夜雲清。  
庭松韻帶微風

響池水晴含初月，明卧閣琴樽常寄興。  
詞壇金石屢尋盟，陪遊久坐歡何極。  
更見銀河縱復橫。

春日過織江，與南江師話舊席上出示諸尊衲

詩賦贈

織江弔古此經過，野寺春陰暮景多。  
滿榻新翻開土偈，臨流猶唱納言歌。  
微風樓外聞鐘梵，殘雪松間掛薜蘿。  
忽覺人生如一夢，暫時談舊對僧伽。

春日巖氏忘機亭探韻得吹字

傲吏閑園野水涯，客來載酒此追隨。  
樽前日暖鶯聲轉，簾外雲開山色移。  
宦似馬曹唯愛竹，隱同陶令巧



吟詩座間忽有梅花發，笛裏春風不用吹。瓶插梅花故言及

辛丑上巳壽鳴門田翁六十

蘭亭置酒集群賢，坐上新題修禊篇。共見絃歌都會地，且逢清明永和年。滄波春穩三津水，紫陌晴通萬竈烟。君自仙才長不老，幾回來醉碧桃前。

壽平安醫生松下主人七十

帝里春光杖國年，杏林花色奉觴前。練真應熟軒岐術，頌壽爭傳岡阜篇。共指雲霄纔咫尺，還看踪跡類神仙。爲思松下彈琴興，不讓華陽洞裏天。

奉和

明府留別之作二首 節一首

行指南州復北州，宦程千里去悠悠。離堂殘月低當戶，客路清霜飛滿裘。吹嶽連年迎馬首，高城計日望刀頭。臨岐殊有騷人思，搖落天涯賦遠遊。

病懷三首

節一首

終年狼藉半牀書，何用門前停長者。車髮已二毛，潘岳感家徒。四壁馬卿居，堪知憔悴啣杯少。誰道風塵伏枕虛，病懶由來唯卧褥。獨憐寒月照茅廬。

君羨題余諸詩稿見示賦答之

衡門秋草鎖寒烟，忽有雙鴻下暮天。白首交遊期自厚，青山落日望相憐。祇知貧賤驕人易，擬把琴樽高



枕眠只是江湖耽著述潛夫無意世間傳

聞浪華木世肅徙家勢州遙有此寄

攜將妻子出三津越境東來好卜鄰江上蒹葭浮海

日山中鷄犬避秦人驅車幾乘徙書去開逕千竿栽

竹新聞道使君為地主堂成或似浣花春長島侯善待世肅世

肅之所

以徙焉

聞友人登富嶽賦以寄贈

萬仞名山生紫烟千秋積雪映青天扶桑日出光先  
動閭闔雲垂影倒懸欲御長風凌絕頂行餐沆瀣學  
飛仙俯窺東海如杯小待爾新題為我傳

松倉懷古二首

攀盡松倉萬丈巔東南形勝俯平田雄圖一燼金湯  
沒兵氣全消歲月遷暗谷陰雲長帶雨幽崖古木半  
參天山中今日惟樵徑餘恨無端哭杜鵑

徘徊弔古陣雲愁人去城空山更幽寒鳥噪風迷舊

國牧童驅馬上荒邱三軍戰骨埋青草一片香魂沒

碧流極目蕭條尋往事蒼蒼林樹幾經秋土人傳云

城將秀綱夫妻宵脫圍出奔信州途而

遇賊夫人見誘溺死大根川故言及

追悼北海先生

東魯當年嘆逝川西京今日問封禪人間歲月真疑



夢天上風雲終是仙家有青氈餘舊物客傳彩筆泣  
遺編追哀多少梁摧恨哭向遙空轉愴然

秋夜草堂同世甫賦分韻

南山寒色滿茆檐對客卸杯興正添數畝閒圃通短  
徑三秋明月徹疎簾長松庭際風偏勁叢菊籬邊露  
半霑只此生涯甘自逸幽懷不讓晉陶潛

壽玄圃先生六十

花底絃歌春滿筵儒門開宴杖鄉年天連北極晴雲  
近城對南山淑景懸階上爭生三秀草樽前新唱九  
如篇詩成遙寄華封祝直趁東風到日邊

明府席上同賦夏日遊苑道

寺下長流去不回茶園繫馬此徘徊棣棠難急金波  
起旭日峯高彩霧開依舊橋基臨碧岸至今扇樣認  
青苔戰圖入夜多遺恨數萬鬪螢點水來

平安春望

神州佳氣鬱蔥蔥地勢千年自壯雄台嶺霞當芳甸  
落鴨河春與御溝通天明劍佩趨青鎖日暖龍蛇繞  
紫宮花際氛氲回首望蓬萊長在五雲中

江都春望

江左風烟百萬家滿城無處不繁華天邊望出西山



雪日下揚來東海霞公子金鞭朝走馬佳人繡箔晚  
留車花紅柳綠春明媚都鳥相呼墨水涯

浪華春望

都會西南壓帝州浪華形勝海雲頭  
烟簇地敞三津春水流舊國仁風通邑里當年霸迹  
見城樓請看經臘梅花色江上于今恣賞遊

卧牛山人集初編卷之四



